

INUIT ATAQATIGIIT

Inatsisartuni



UPA 2017/104

4. Maj 2017

Debora Kleist

Angajoqqaasiat atugaasa pitsaanngorsaavigineqarnissaat aningaasatillu paaqqininnermanni tigussartagaasa qaffaavigineqarnissaat, taamatuttaaq nerisaqarnermut,-atisarsiuissat,-kiisalu kaasarfimiorisartakkanut aningaasartuutaasartut ullutsinnut naapertuuttunngorlugit naleqqussarneqarnissaannik Naalakkersuisut peqquneqarnissaanik Inatsisartut aalangiiffigisassaattut siunnersuut.

(Intsisartunut ilaasortaq Laura Táunâjik, Siumut)

Siullermik Inatsisartunut ilaasortap Laura Táunâjik, Siumut siunnersuutanut qujarusuppuugut.

Sumiikkaluaruttaluunniit eqqaamajuasavarput, meerartatta sutigut tamatigut isumannaatsumik toqqissimanartumillu perioriartornissaanut, tamatta pinngitsoqarnata akisussaaffeqarlatalu pisussaaffeqaratta.

Inuit Ataqatigiit pingaartittuarparput angorusuttuarlugulu akissaaffigut pisussaaffigullu tunngavigalugit, meerartatta timikkut tarnikkullu ineriarnerminni pitsaasumik atugaqartinneqarnissaat.

Ilumoorpoq angajoqqaarsiat atugarisaasa suli pitsaanngorsaaffigineqarnissaat kajumin-nartuunissaatalu anguniartuarnissaa aamma ingerlanneqartuarnissaa pingaaruteqarluinnarma-ta, susassaqartut akornanni suleqatigiinnerup annertusartuarneratigut.

Qujanartumik ilaqpugut angajoqqaarsiaarusullutik imaluunniit ilaqtariittut oqilisaassisutut imminnut neqeroorutigisartunik, piukkunnarluartunik peqarpoq. Taakkulu meeqyanik inuu-stuaqqanillu pisariaqartitsisunut angajoqqaat sinnerlugit perorsaanermik akisussaasusermillu, tunniussisarmata qujassutissaqarfigaagut.

Angajoqqaarsiatut inissiivigineqartartut piginnaasatigut, ilisimasatigullu pikkorissarneqartarne-rup pingaartinneqarnissaat kiisalu piumassuseqernerat suli annertusarniarlugu nukit-torsarneqarnissaat aallunneqartuarnissaa, isumaqarluinnarpugut. Tamatuma saniatigut paaqqutarininnermi aningaasatigut tigusar-takkat ullumikkumut nalequttuujunnaarsimane-rannut siunnersuuteqartup oqariartuuta paasilluarparput.

Naalakkersuinikkut siunnerfiusut ilagaat, ilaquaariit angajoqqaasiaasartullu annerusumik atu-lerneqarnissaat, meeqqat pisariaqartitaat aallaavagineqarumaartoq takorloorparput. Piler-saarutigineqartoq eqqarsaatigalugu ilaqtariit inissiivigineqartartut atugaasa kiisalu aningaasa-tigullu tigusartaganut suliniuteqarnermi susassaqartut peqatigalugit siliarineqarnissaat pingaar-tutut isigaarput.

Taamatut oqaaseqarluta siunnersuutigineqartup UKA 2017-imi aappassaaneerneqarnissaanut innassuteqaat taperserlugu Ilaqtariinermut peqqissutsimullu Ataatsimiitaliamut ingerla-teqqipparput.

Qujanaq